

# Халымг АССР-н Деед Советд депутатирин кандидатир заадж темдгллгън

Сунъгъврин 5-ч номертӓ Горьковск округ

## Вера Картанова—тоомсрта кӓдлӓч

Сентябрин 26-д Элст балгъсна Ӕдмг болгъдг заводин кӓдмшчирин болн церглӓчирин хург болв. Турун уг заводин тооч ур Н. С. Пушкарева авб.

—Уурмуд! Эндр Ӕдр мандик байрта. Советск Конституцар манд Ӕггдсн зӓвӓн олзлдж, Халымг АССР-н Деед Советин депутатирин кандидат, сунъгъврин 5-ч номертӓ Горьковск округар темдглх болджанавдн. Тадна ухан-седкклӓ харгъх гидж би, Халымг АССР-н Деед Советин депутатирин кандидат, Ӕмн нӓурт йовх | мана кӓдлмшч—кӓуудкун, мастерин дарук ур Вера Баглаевна Картановаг нерӓджӓнӓв.

Ур В. Б. Картанова 1957 джилӓс авн заводт кӓдлӓд, кӓдлмшин Ӕмн нӓурт йовдж, ӓмтид улгӓр узӓлдж йовна. Ода Ӕдр болгън производственн даалгъвран 120 процент кӓргдж кӓцӓнӓ. Ӕмтиг олн зӓсн, сӓн чинртӓ Ӕдмгӓр Ӕдр болгън теткхин тӓлӓ заводин коллектив зӓткджӓхд ур Картанова чидлӓн нӓлгорлцна.

Заводин директор ур С. Ч. Бавжиков келсн угдӓн—ур В. Б. Картанован кандидат зӓвтӓ, мана кӓдлмшчир болн церглӓчир дӓнӓнджӓнӓ гидж келв. Ур В. Б. Картанова 1932 джилд, угатя кӓуунӓ булд тӓрсмн, партийн биш, мастерин кӓдлмш ласдж авч, йоста медрлтӓ, чадмг кӓдлмшч болхар шунмигӓ кевӓр гӓджрджӓнӓ.

Дарунь босдж уг келцӓхсн лаборантк ур Н. Д. Амнгинова, бригадир-мастер ур Дубровин, мастерин дарук ур В. И. Жижимова—ӓдн, ур В. Б. Картанован кандидатиг дӓнӓнцхӓв.

Хургт нег дуугъар ур В. Б. Картанован кандидатиг сунъгъврин 5-ч номертӓ Горьковск округар Халымг АССР-н Деед Советин депутатин кандидат темдглхмн гидж тогтав.

Заводин коллектив сунъгъврин Ӕдриг уктдж, октябрин 19 куртл джилӓ зурагъан 95 процент кӓргдж кӓцӓх, Октябрин 41 джилин Ӕднд—100 процент кӓргдж кӓцӓх, тегӓд джил чилтл 500 минъгън арслнъ мӓнӓгнӓ продуци зурагъас давулдж Ӕгх даалгъвр авб.